

ایپک یولو و کهریبا یولو آراسیندا کی موبادیلر جوخالیر

یتوانی اؤلکه‌سی‌نین تیجاری تحقیقاتی تیمی شرقی آذربایجانا سفر ائله‌ماغینان ایپک یولو و کهریبا یولونون فرهنگی موبادیلرینی تازادان رونق‌لشمه‌سینه اومودوارلیق اعلام ائله‌دیر.

فارسین تبریزدن وئردیگی گوزارشه گۆره، کهریبا یولونون بامتیک شیرکتی‌نین خدمات بؤلومونون رئیسی شرقی آذربایجانین ال ایشلری، فرهنگی میراث و توریزم سازمانی‌نین رئیسی‌اینن گۆروشدہ دئدی: کهریبا و ایپک یولونون اصلی شهرلردن اولان تبریز، بو تحقیقاتی سفرده بیزیم اوچون یوخاری اهمیتی وار. روکاس والونگویشس بو گروه و شیرکتین تحقیقاتی سفرلردن نظرده آلدیگی هدفینه ایشاره ائدی: بیزیم اجدادیمیز یوزلر ایل بوندان قاباق لیتوانیدا کهریبا داشی تیجارتی ائلیردیلر و بیز ایللر سونرا بو تیجارتی ایپک یولو و کهریبا یولوندان تازادان باشلامیشوق. او کهریبا یولونون تحقیقاتی گروهونون تبریزه گلماقلارینی لیتوانی ایله شرقی آذربایجان آراسیندا بیرینجی رابیطه یارانماسی بیلپ آرتیردی: بو سفر فقط تانیشلیق سفری ایدی و تبریزین موختلیف فرهنگی و تیجاری زمینه‌لردن پوتانسیل‌لرین نظرده آلماقلا بو رابیطه داها دا گئیشله‌نه‌جاق. والونگویشس هابئله بونو دئماغینان کی گروهون اعضاسی ایراندا و مخصوصاً تبریزده یاخجی صورته امنیت احساسلاری واریدی، دئدی: سیزین اؤلکه‌نین جماعتی مهربان، چوخ یاخجی و فرهنگی جماعتدی و بیزه چوخ جالیب ایدی کی هر کیمدن سوروشودوق لیتوانی هاردادی، بیلیردیلر کی هاردادیر. بو تحقیقاتی گروهون رئیسی دئدی: بو اوستانا اولان گله‌جاق سفرلریمیزده تبریزدن علاوه آیری شهرلر و منطقه‌لرده گنده‌جاییق. کهریبا یولونون تحقیقاتی تیجاری گروهو آذربایجان موزه‌سی، مشروطه موزه‌سی، جومعه مسجدی و تبریزین بؤیوک تاریخی بازاریندان گۆروش ائله‌دیلر.